

الفاجومي

٥٠ جنيه عربون صداقة

من الحكومتنا

■ تحول منزلنا إلى شبه إقامة دائمة لجموعه من
المدعيين والمخرجين بإذاعة الشعب.
■ لويس عوض: نجم شجاع شجاعة مريية.
■ وجدنا في روايه ليوسف إدريس الحل لتبديد
الخوف من الحكومه.

обейкићн.com

محمود اللبان فضل يبرِّق في وش محمد جاد بنوع من التوجس لأن محمود أساسًا ما يخافش في حياته إلا من حاجتين.. العسكري والمجنون! وصرخ محمد جاد تاني في وش محمود المرعوب:

- إنت بتبرِّق لي كده ليه؟ إنت مش مصدق إنك فنان تلقائي؟

وافتعل محمود ضحكه يظمن بيها نفسه وبص للي قاعدين وقال:

- يا جدعان حوشوا الجدع ده عنى... دا ابن كلب صحيح.. إنت جاي تخرم دماغنا على آخر الزمن... فنان إيه ونيلة إيه؟ قال بعد ما شاب ودوه الكتَّاب.. يلعن أموات أمك..

وبرِّق محمد جاد في وش محمود اللبان وصرخ:

- إنت حمار.. شاب إيه وكتاب إيه؟.. إنت عارف نجيب محفوظ نشر وهو عنده كام سنه؟.. أربعين سنه يا حمار.. وعارف موزارت كتب أول كونشرتو وهو عنده كام سنه؟ تسع سنين يا طور.. وإنت قاعد لي هنا تبيع لبن زبادي؟! وراح رامي له الجنيه في حجره وقال له:

- امسك.. الصبح آجى الاقيك عامل لي واحد زى ده.. ودى كانت نهاية معمل الألبان البدائي.. تعلق المعلم محمود حسين عاشور الشهير فيما بعد بالفنان التلقائي محمود اللبان اللي اعترفت الأوساط الفنية في مصر والوطن العربي بأصاله موهبته واتعاملت معاه الدوله على أساس إنه فنان متفرغ لعهده سنوات أقام خلالها مجموعه من المعارض الفنية الناجحه جدًا في أرقى صالات العرض بالقاهره والأقاليم..

نيجي بقى لقنوات الإعلام المسموعه والمرئييه..

أولاً إذاعه الشعب كان رئيسها آنذاك الفنان فاروق خورشيد بدأوا يذيعوا أغانيها

بشكل مكثف لدرجه إنى سمعت "چيفارامات" وأنا ماشى فى الزمالك! وكلفونا
نعمل لهم شغل خاص بالإذاعه "محو الأميه" و"غناوى" وكتبت لهم ملحمه شعريه
عن غاندى محرر الهند العظيم.

وانحول منزلنا الحقيقى إلى شبه محل إقامة لمجموعه المذيعين والمخرجين بإذاعه
الشعب... سهير الحاراتى وعايده شكرى وعايده مرسى وعبد الفتاح الصبح
وإسماعيل العادلى والمرحوم عبد الرازق قنديل وسمير حسين ومدحت زكى..

كانوا فرحانين بينا قوى وكأنهم لاقين لقيه! معلوم... مجموعه من الشباب
الوطنى مجروحين فى كرامتهم ويبدووا على مخرج من أزمتهم اللى هى أزمه
الوطن المهزوم ويحكم وضعهم فى جهاز الإعلام شايقين الصوره قد إيه كئيبه
وسودا... ليه بقى؟ ما هم بيقرؤا ويسمعوا كل الصحف والإذاعات المنوعه على
الشعب المصرى من دون شعوب العالم.. وكأنه غير معنى بالموضوع مع إن الخيبه
خيبته والقتيل قتيله والتاردين فى رقبته هو لا غيره ولا سواه.. وجهاز الإعلام
المصرى اللى هما جزء منه قاعد يقول ما فيش هزيمه ولا حاجه.. دى مجرد إشاعه
لأن العدو الصهيونى الإمبريالى كان قصده يهزم الإراده ويغير القياده اللى هى
الرئيس عبد الناصر والحمد لله أهو قاعد.. تبقى فىن الهزيمه بقى!؟

وفجأتن يلاقوا اتنين أنيميا طالعين من شق فى قلب حاره يقولوا كلام مختلف
ويحطوا النقطه الحروف بجرأه وصفها الدكتور لويس عوض لما قال:

- نجم ده شجاع شجاعه مريبه.

بيتهياللى والله أعلم إن ده كان مصدر دهشتهم وفرحهم بينا إحنا بقى وأنا
بالتحديد كان فرحى بيهم أشد.. ليه بقى؟

أنا حسبتها مضبوط.. إزاي أنا ح أقولك.

إحنا دخلنا شمال فى دوله ومش أى دوله.. دي دوله بوليسيه عسكريه لها تراث
متراكم من انتهاكات حقوق الإنسان ومشهود لها بطول الباع فى البطش بالمعارضين

وسجلها حافل بجرائم التعذيب الوحشية وضحاياها ما يتعدوش ابتداء بفرج الله
الخلو اللى دوبوه فى الأسيد وانتهاء بسيد قطب عالم الأدب اللى أعدموه عقاباً على
اختلافه معاهم فى الرأى من خلال كتاباته.. يعنى لا نجمهر ولا جاهر بالصياح!

طب إحنا حنروح فىن فى دول؟ إحنا على رأى المثل: يا جحاح عد غنمك قال
واحد مكمسه وواحد عميا.. يبقى إحنا ضايعين ضايعين تراجع ما عدش ينفع..
طب والحل؟ الحل لقيتعه عند يوسف إدريس فى روايته العبقريه (البيضا).. البطل
عنده بيهرب فى الناس.. فى الزحمه.. يبقى إحنا محتاجين زحمه.. ونس يعنى..
وهما دول الونس..



ذات صباح جميل دخل علينا شاب أنيق ولايس نضاره طيبه وعرفنا بنفسه:

- أحمد الجبيلى.. مخرج بصوت العرب.

- أهلاً وسهلاً

إنسان مهذب جداً وشديد التواضع.. حاجه كده زى اللى بييجى فى الكلمات
المتقاطعه يقولك: خمسه أفقى "خجول" من ثلاث حروف فيطلع حى.. قعد الراجل
سمع وأبدى إعجابه بأسلوب مهذب جداً وبعدين قال:

- أنا جاي من طرف الأستاذ عروق مدير صوت العرب.

قلت له:

- أهلاً وسهلاً وإزى الأستاذ عروق؟

قال لى:

- بخير الحمد لله ويسلم عليكو جداً وعايذ يقابلكو.

واندفع الشيخ إمام وقال له:

- إحنا ما بنقابلش الأشكال دى.

قلت له:

- لآ يا إمام الأستاذ عروق راجل شريف.



قال لي:

ولما هو شريف بيشتغل معاهم ليه؟

قلت له:

- الراجل جالك لحد عندك والمثل يقول من جاك دارك جاب الحق عليك..

وقلت للأستاذ الجبيلي:

- إحنا تحت أمر الأستاذ عروق ويتفضل يشرفنا في أى وقت..

قال لى:

- دا هو منتظر كم فى مكتبه فى الوقت اللى تحدوده.

قلت له:

- ليكن بكره صباحاً بس لازم حد يبجى ياخذنا عشان الأمن بيميننا.

ثانى يوم الصبح جالنا الأستاذ أحمد الجبيلي ودخلنا إلى مكتب الأستاذ عروق فى التلفزيون.. وإحنا داخلين من الباب قلت للشيخ إمام:

صبح ع الأمن يا إمام راح قايل بعلو صوته

- صباحكو خرا

وفى مكتب الاستاذ عروق لقينا الأستاذ رجاء النقاش! الراجل استقبلنا بحراره

وقال:

- إحنا عايزين نتعاون سوا وصوت العرب مفتوح لكل صوت شريف.. وكتب

لنا كل واحد شيك بخمسين جنيه وقال لنا بأدب شديد:

- دول هديه من صوت العرب.

خدنا الشيكين ونزلنا مع الأستاذ رجاء اللى اقترح إن إحنا نقدم برنامج يومى

طوال شهر رمضان من صوت العرب اسمه- مع ألحان الشيخ إمام- ويقوم بتقديمه
الأستاذ رجاء شخصياً..

قلت له:

- بس أنا عندى شرط.

قال لى:

- اتفضل..

قلت له:

- تاخذوا العمل على بعضه أو تسيبوه على بعضه.. يعني مفيش حذف ولا إضافة.

الراجل وافق وبدأنا نستعد للتسجيل ولحفله نقابه الصحفيين.

كان حسن الموجي خلع بعد فؤاد قاعود نتيجة الصراع بينه وبين محمد على على وظيفة الإيقاع، والكلام دا أنا عرفته من حسن الموجي لما رحنا أجبينه عشان يحضر معنا الحفلة والتسجيل، والغريب في الأمر إن الشيخ إمام- عالم الموسيقى- كان بيزكي محمد على اللي مالوش أى علاقه بالموسيقى على حسن الموجي عازف الإيقاع المبدع اللي لا يقلل بأى حال عن مستوى أكبر المحترفين!!

المهم.. رحنا لحسن وبعد محايله وطبطبه أفنعتة وفتنا على فؤاد قاعود في البيت وقلت رأيي اللي اتخلص في إن الشجره أثمرت وإن كل من ساهم في الزراعه والرى أصبح من حقه يجنى ثمرة مساهمته وإن إحنا في النهايه أصدقاء ومافيش بيننا تناقض ولازم نبقي في انصوره جنب بعض وقمنا من عند فؤاد ع الغوريه لقينا الشيخ إمام ومحمد على مش هناك وأثناء ما إحنا قاعدين سألني فؤاد قاعود: تفتكر رجاء النقاش حيوافق على وجودنا سوا؟

فقلت له بذهول:

- وإيه دخل رجاء النقاش في كده؟

ضحك وقال لي:

- مش هو قائد المسيره..

قلت له:

- إنت عارف يا فؤاد إني ماليش قائد.. وإنت أدرى الناس..